

千金翼方卷第十八

新病上

宋朝奉郎守太常少卿充秘閣校理林億等校正

明翰林院檢討國史纂修官王肯堂重校

內閣撰文 中書舍人加四級金匱華希閔校刻

霍亂第一

噦附

痧瘧第二

黃疸第三

吐血第四

衄血下血附

胸中熱第五

壓熱第六

虛煩心悶附

霍亂第一方二十

理中丸主霍亂臨時方

人參

白朮

乾薑

甘草炙各壹兩

右四味擣篩爲末鍊蜜和丸如彈丸取湯和一丸服之日十服吐多痢少者取枳實三枚炙四破水三升煮取一升和一丸服之吐少痢多者加乾薑一累吐痢乾嘔者取半夏半兩洗去滑水二升煮取一升和一丸服之若體疼痛不可堪者水三升煮棗三枚取一升和一丸服之若吐痢大極轉筋者以韭汁洗腹腎從胸至足踝勿逆即止若體冷

微汗腹中寒取附子一枚炮去心切以水二升
煮一升和一九服吐痢悉止脉不出體猶冷者可
服諸湯補之

厚朴湯主霍亂面煩方

厚朴

炙

高良薑

桂心

各參兩

右三味㕮咀以水一斗煮取二升分三服

四順湯主霍亂吐下腹痛手足逆冷方

大附子

壹枚去皮破八片

乾薑

貳兩

人參

甘草

炙各壹兩

右四味㕮咀三味以水五升煮取一升半分三服

治霍亂吐痢嘔逆龍骨湯方

龍骨

黃連

乾薑

赤石脂

當歸

各叁兩

枳實

伍枚

半夏

壹升

附子

炮去皮破

人參

桂心

甘草

壹兩

右一十一味咬咀以水九升煮取三升分三服

治霍亂困篤不識人方

鷄蘇

壹大

右一味以水一斗煮取三升分再服

治霍亂轉筋兩臂及脚胸脇諸轉筋並主之方

鹽一升五合煮作湯漬洗轉筋上按灸良

又方

又方

香薷一把水煮令極濃服三升即差青木香亦佳
治霍亂止吐方

丁香四十枚以酒五合煮取二合頓服之用水煮
之亦佳

治霍亂吐痢心煩不止方

猪糞如鷄子大一枚爲末以沸湯一升和之頓服
良不差更作

又方

梁米粉五合水一升半和之如粥頓服須臾即止

治霍亂轉筋入腹方

鷄屎白末以水六合煮取湯服方寸匕

治大便秘不通噦數口譫語方

厚朴

貳兩

大黃

肆兩

枳實

伍枚

右三味㕮咀以水四升煮取一升二合分再服當

通不通盡服之

竹茹湯主噦方

竹茹

壹升

橘皮

半夏

洗各參兩

生薑

肆兩

紫蘇

甘草

壹兩

治中風客熱噦方

竹茹

肆兩

生米

伍合

右二味以水六升煮米熟服之

治嘔噦方

蘆根

伍兩

右一味切以水五升煮取三升分三服兼服小兒

尿一二合良

又方 飲大豆汁一升止

又方 常服白羊乳一升

治氣厥嘔噦不得息又主霍亂大鼓湯方

香豉升壹

半夏洗

生薑各貳兩切

前胡

桂心

人參

甘草炙各壹兩

右七味㕮咀以水五升煮取二升分三服勿使冷傷寒噦而滿者宜視其前後知在何部不利利之愈噦而不利此湯主之方

橘皮升壹

甘草尺壹

右二味㕮咀以水五升煮取一升頓服之

噦橘皮湯主之方

橘皮

通草

乾薑

桂心

甘草貳兩 人參

右六味咬咀以水六升煮取二升分三服

小半夏湯主心下痞堅不能飲食胸中喘而嘔噦微

寒熱

生薑捌兩切以水參升煮取壹升

半夏伍合洗以水伍升煮取壹升

右二味合煎取一升半稍稍服之即止

又方

橘皮肆兩 生薑捌兩

右二味切以水七升煮取二升五合分三服下喉

即差未差更合

又方

羶羊角肩前胡

人參

橘皮

甘草炙各壹兩

右五味㕮咀以水六升煮取二升分二服

卒噦爪眉頭亦可針此主實噦實噦者醉飽得之虛噦者吐下得之又失血虛後亦得之方

炭末蜜和細細咽少許即差

又方

男噦女人丁壯氣盛者噦其肺俞女子男子噦之

咳瘧第二方二首
穰法十二首

蜀漆

知母

白薇

地骨皮

麥門冬

去心升麻各伍分

恒山

壹兩半

石膏

研貳兩

香豉

壹合

姜蕤

烏梅肉

鼈甲

各壹兩炙

甘草

炙叁分

右一十三味擣篩為末鍊蜜和丸如桐子空腹飲

服十九日再加至二十丸

陵鯉湯主瘡疾江南瘴瘧方

陵鯉甲

拾肆枚炙

鼈甲

壹枚炙

烏賊魚骨

附子

炮各壹兩去皮

恒山

叁兩

右五味呖咀以酒三升漬一宿未發前稍稍啜之
勿絕吐之并塗五心一日斷食過時久乃食

肝瘧令人色蒼蒼然太息其狀若死刺足厥陰見血
心瘧令人心煩甚欲得清水寒多不甚熱刺足少陰
是謂神門

脾瘧令人病寒腹中痛熱則腸中鳴鳴已汗出刺足
太陰

肺瘧令人心寒甚熱間善驚如有見者刺手太陰陽
明

腎瘧令人腰痛脊痛死轉大便秘難目向向然手足

胃瘧令人旦病寒善饑而不能食支滿腹大刺足陽
明太陰橫脉出血

黃帝問岐伯曰瘧多方少愈者何岐伯對曰瘧有十
二種黃帝曰瘧鬼字何可得聞乎岐伯對曰但得瘧
字便愈不得其字百萬不愈黃帝曰瘧鬼者十二時
願聞之岐伯對曰寅時發者獄死鬼所爲治之以瘧
人著窰上灰火一周令人滅即差卯時發者鞭死鬼
所爲治之用五白衣燒作灰三指撮著酒中無酒清
水服之辰時發者墮木死鬼所爲治之令瘧人上木

高危處以棘塞木竒間卽差巳時發者燒死鬼所爲
治之令瘡人坐師以周匝然火卽差午時發者餓死
鬼所爲治之令瘡人持脂火於田中無人處以火燒
脂令香假拾薪去卽差未時發者溺死鬼所爲治之
令瘡人臨發時三度東流水卽差申時發者自刺死
鬼所爲治之令瘡人欲發時以刀刺塚上便得姓字
呪曰若差我與汝拔却卽差酉時發者奴婢死鬼所
爲治之令瘡人碓梢上捧上卧莫令人道姓字卽差
戌時發者自絞死鬼所爲治之左索繩繫其手脚腰
頭卽差亥時發者盜死鬼所爲治之以刀子一口箭

一隻尸一屍乃步瘡人脫上其前衣者下自若子
時發者寡婦死鬼所爲治之令瘡人脫衣東廂牀上
卧左手持刀右手持杖打令聲不絕瓦盆盛水箸路
邊卽差丑時發者斬死鬼所爲治之令瘡人當尸前
卧頭東向流頭下卽差
瘡病醫不能救者方

以繩量病人脚圍繞足跟及五指一匝訖截斷繩
取所量得繩置項上著反向背上當繩頭處中脊
骨上灸三十壯卽定候看復惡寒急灸三十壯卽
定比至過發一炊久候之雖饑勿與食盡日此法

神驗男左女右

黃疸第三

論三首

方二十八首

鍼灸二十法

論曰凡遇時行熱病多必內著黃但用瓜丁散肉鼻中令黃汁出乃愈即於後不復病黃矣常須用心警候病人四肢身面微似有黃氣須用瓜丁散不得令散漫失候必大危矣特忌酒麪犯者死

黃疸目黃不除瓜丁散方

瓜丁細末如一大豆許內鼻中令病人深吸取入鼻中黃水出差

凡人無故忽然振寒便發黃皮膚黃翹塵出小便赤